

Comunidade Autónoma / Departamento / Estado	GALICIA
Municipio	PORQUEIRA
Edificio	Igrexa de San Martiño de Porqueira
Dirección	Lugar de Telladas, 1. 32643
	42.017055 -7.834301
Protección	

Dentro da fábrica da igrexa parroquial de San Martiño de Porqueira distínguense diferentes etapas construtivas que arrancan de época románica conservada en parte da nave da igrexa finalizando a mediados do século XIX coa construción da torre campanario.

Como se dixo, a edificación mostra una etapa románica evidenciada no corpo entre a capela maior e a fachada baseado en grande parte nos canzorros que sosteñen a cornixa, onde aparecen representados motivos xeométricos e vexetais con unha sinxela cornixa recta con un plano inclinado, onde nalgunhas pezas se traza un axadrezado. Esta igrexa primitiva contaba con unha capela maior de tamaño parecido á actual, de menor anchura que o corpo, mais ó longo, a igrexa contaba con menor superficie. Na fachada sur en época indeterminada abriuse una porta lateral con arco adoelado de medio punto. Esta construción primitiva, sobre todo no referente ó corpo, sufría problemas de estabilidade de tal modo que en 1668 é preciso dispor 1000 reais, que lle correspondería aportar ós feligreses pero por "hallarse pobres y necesitados" é o caudal de fábrica quen se fai cargo, "por quanto gran parte de una pared de el cuerpo de la iglesia se esta cayendo". A obra foi executada por "unos maestros de la iglesia de Celanova" cos cuales se concertou "ante todo el Concejo antes de la misa Mayor en 50 ducados y tres fanega de centeno dándoles yo cama y socorro de servicio para su comida".

Entre os anos 1699 e 1707 será Sebastián García, tamén de Celanova, quen interveña na igrexa, neste caso na capela maior, obra que non se especifica ben en que consistiu pero que en principio non modificou demasiado a súa morfoloxía, xa que conservou a anchura da mesma e incluso ás paredes será preciso darlle maior altura xa avanzado o século XVIII.

Se ben os problemas de solidez dos muros parecían solucionados na igrexa en 1719 a parede da sancristía vense abaixo e será preciso reedificala. E en 1771 o abade José Guitián vese obrigado a pedir licenza ó bispo para sacar do caudal de primicias 2000 reais (dos que lle serán autorizados 1000) "para componer el cuerpo de la yglesia, cuyo techo que se halla arruinado, necesita para afianzarle dos arcos volantes de piedra". Os ditos arcos foron realizados cos seus correspondente contrafortes ó exterior e perfeccionamento da nave o que conlevou o arranxo da capela maior. Desta maneira, ó ano seguinte o abade volta a dirixir un escrito no que solicita que "el arco toral i paredes de la capilla maior de esta Parroquia deben levantarse a Juizio del maestro arquitecto, para que hagan alguna simetría con la nave i arcos de dicha iglesia, que ahora acaban de hacerse". A obra axustarase co mestre Acosta en 2000 reais "aviendo venido a terciar, i hacer su modo de postura el maestro Valeriano".

Descripcion

Finalmente xa no XIX execútanse as últimas obras de importancia e as máis significativas dentro da igrexa. Trátase da fachada e torre campanario. Dende o ano 1814 virase insistindo en substituir a antiga espadana por unha torre de maior tamaño. É neste momento cando o abade se dirixe por carta ó bispo para que permita a execución do proxecto porque se precisa "una torre segura y permanente en lugar de la espadaña, en que se hallan colocadas las campanas, extraordinariamente pequeña y desproporcionada, y que por serlo tanto desfigura y afea el resto de vaso de la misma iglesia que por medio de los reparos y mejoras que progresivamente ha ido recibiendo según lo han permitido las circunstancias, caudal y estado de los feligreses se halla en lo mas decente y proporcionada". No mesmo escrito solicita que a obra non saia a postura publica e "se digne facultarle para encargarlas al maestro de canteria de mas pericia e inteligencia en su arte , que se conoce en el contorno y que tiene acreditado constantemente en otras anteriores de que se tiene encargado y en las que actualmente se halla entendiendo, de ninguna de las cuales se cargó por ajuste, sino a jornal al modo que tiene ofrecido desmpeñar las de que queda hecho expresión, en la egecución de todas las cuales segun se vayan realizando se procederá con toda la exactitud, claridad y formalidad que corresponda, estampando quantas datas y quantas ocurran con la debida expresion para rendirlas quando sean pedidas" O certo é que neste momento non se chega a

Campás	2 campás.
Fotos	5
Toques actuais de campás	
Conservación, mantemento	
Propostas	
Autors da documentación	www.altalimia.org
Data	24-05-2026

Campás actuais

Localización	Campá	Fundidor	Ano de fundición	Diámetro (en cm)	Peso
Torre-campanario	Menor.	MALINGRE LAMAS-CARBAJAL, MANUEL	1973	64	152
Torre-campanario	Maior.	MALINGRE LAMAS-CARBAJAL, MANUEL	1973	76	254

Información completa: [Igrexa de San Martiño de Porqueira - PORQUEIRA \(GALICIA\)](#)

PDF (16-06-2026)